

Gvangjsih Minzczuz Bau

广西民族报 ganhhau: CN45-0036 B.2021 Nd.3 Ng.24 liggaeuq sincouj nienz ndwenngleih cibngeih

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3466 geiz
Geiz neix 8 banj

Dangjcunghyangh Dingh:

Bineix Baez Daih' It Fat Aencieng Geiqniemh "Miznaj Youq Dangj 50 Bi"

Geij ngoenz gonq, Cunghgung Cunghyangh Bangunghdingh ok 《Aen Dunghciz Gvendaengz Guh Ndei Hong Fat Aencieng Geiqniemh "Miznaj Youq Dangj 50 Bi"》(bailhaeng gangj dinj baenz 《Dunghciz》). 《Dunghciz》 naeuz, Dangjcunghyangh baenzneix dingh, bineix baez daih' it fat aencieng geiqniemh "miznaj youq dangj 50 bi". Neix dwg faenh hong youqgaen angqhoh Cunghgoz Gungcanjdangj laeb ndaej 100 bi ndeu, de doiq gijneix mizyung h lailai: Hawj boudangjyenz lai raen

miznaj, lai gag nyinhdoengz, lai rox rap maz, gyonjcomz gij rengz hung-hoengh daengx aen dangj mbouj dingz mbouj duenh buekguh hawj gij daj-suenq "cibseiq haj" caeuq gij moegbiu gyae bi 2035 de ndaej baenzsach dahraix.

《Dunghciz》gangj cingcuj le aencieng geiqniemh "miznaj youq dangj 50 bi" fat hawj byawz, couhwdg fat hawj doengh boudangjyenz lixyouq caemhcaiq suenq daengz bineix 7 nyied 1 hauh youq ndaw dangj 50 bi nanz, daj gyaeuq daengz rieng cungj

guh ndaej ndei. Aen dunghciz neix heuh gak gaep dangjcuciz lailai yawjnaek faenh hong neix, ciuq gij cingzgvangq bonj bumwnz caeuq danhvei, guh ndei hong gyoepsuenq, ndabaiz vunz caeuq saeh fathawj aencieng geiqniemh, bauj boudangjyenz hab diuzgienh de 7 nyied 1 hauh gaxgonq ndaej aencieng geiqniemh, raen aen Dangjcunghyangh au Siz Ginbingz dungzci guh haedsim de gvansim gyoengqde couh sim raeujrubrub.

Baez daih' it fat aencieng geiq-

niemh "miznaj youq dangj 50 bi" gvaqlaeng, neix dwg yiengh hong bingzciengz cungj guh ndeu, baez bi daengz "caet it" gyonjcomz fat mbat ndeu. Geij ngoenz gonq, ndaej Dangjcunghyangh doengzeiq, Cunghyangh Cujcizbu yaengfat gvaq 《Aen Banhfap Guenlleix Hongsaeh Fat Aencieng Geiqniemh "Miznaj Youq Dangj 50 Bi"》, ndawde gvidingh mbaek gonq mbaek laeng, baenzlawz fathawj, cauuhguh, guenlleix aencieng geiqniemh daengj.

(ciuq Sinhvaezse)

"Hag Lizensij Aen Dangj·Rox Aencingz Aen Dangj·Riengz Aen Dangj Yamq Bae"



3 nyied 21
hauh, Ningzmingz
Yen Cwngfazvej
Dangjcihu daeng-
cungq dangjyenz
daengz Lungzcouh
Gijyi Gijnen' gvanj,
guh aen hozdung
ngoenzdangj au "hag
lizensij aen dangj·rox
aencingz aen dangj·
riengz aen dangj
yamq bae" guh cawj-
daez angqcoux laeb
dangj 100 bi, cie-
cienz caeuq fatyienz
gij gwzming conz-
dungj ndeindet, youq
seizdaih moq byaij
roen moq cungj seiz-
seiz dingq dangj
gangj, yamqyamq
riengz dangj byaij.
Ndaw doz dwg
gyoengqde caiq doeg
gij vahmieng haeuq
dangj.

(Cauh Yizganh)

SIUSIK DINJ

● 3 nyied 19 hauh, aen hoih lwnh saehmoq youz Swcigih Cwngfuj Sinhvwzban banh de ok siusik, bineix daengz bi 2023, gih raeuz bi nda 400 ik maenz, haeujcoengh saenqhwn gunghyez, doinyoengx gunghyez hwngfat ndaej caetliengh sang yamq hwnj mbaek moq.

(Loz Vanli)

● Bi' gvaq doxdaeuj, Gvangjdungh Swngj Daihngleih Banggungz Gapguh Gunghcozcuj hai lai cungj banhfap doinyoengx siuyungh banggungz. Suenq daengz dangqna gaeuq coengh Gvangjsih gai bae 222.2 ik maenz nungzcanjbinj, ndawde bineix 1 daengz 3 nyied ndawcib gai bae 47.2 ik maenz.

(Veiz Giconh)

● Swcigih Caizcwngdingh ok siusik, gih raeuz geij ngoenz gonq roengz 103.24 ik maenz dangq cienzngeanz caizcwng bangbouj ciepswnj doinyoengx lajmbanj saenqhwn.

(Cauh Hungzmeiz)

● Bineix 1 daengz 2 nyied, Bwzswz Si miz 1.5 fanh boux senj dieg youq nyienh haglien dinfwnz, gyoengqde gaenq cienzbouh ceiq noix boux ndaej haglien mbat ndeu gvaq. Gij bumwnz doxgven de youq gwnz nuengx caeuq yienhciengz banh gvaq 81 ciengz hoih sou vunz, coengh 1600 lai aen giyez ok 13.4 fanh vihhong sou vunz.

(Lingz Cungh)

Bonj Saw《Yawj Saeksiengq Duenq Rox Ywcuengh Cungguek》 Aeu Sawcuengh Sawgun Raiz De Okbanj Fathengz Lo

Geij ngoenz gonq, Gvangjsih Gohyoiz Gisuz Cuzbanjse okbanj fat-hengz le bonj saw 《Yawj Saeksiengq Duenq Rox Ywcuengh Cungguek》 lo. Bonj saw neix dwg dauq saw hongdawz mizyung dahraix ndeu, de baengh ranghdieg Bouxcuengh miz yw lai cungj lai yiengh, au Sawcuengh Sawgun daeuj cingjleix bienraiz.

Bonj saw neix gungh miz 5 cek, gungh sou haeuq 1091 cungj

Ywcuengh, 3000 diuz danyw, baengh doengh boux guh hong Ywcuengh haujlai bi nanz ok rogranz bae mbaet yw, duenqdingh, ingjsiengq, niemhdingh, vanzlij cazrox gij gingniemh ndawbiengz Bouxcuengh baenzlawz yungh yw caeuq cungjgez gij gingniemh nemgyawj yw boudingh, baengh neix roengz giekdae ndei le cix ndaej bienraiz baenz.

Seizneix, Ywcuengh baenz cungj

yw minzczuz cieplaeng gij yw seiq daih minzczuz couhwdg Cangcuz, Mungzgujcz, Veizvuzwicz, Daijcz de hwngfat ndaej haemq ndei. 21 sigij doxdaeuj, guekgva caeuq Guengsaebaih dam baih ok le baenzroix cwngcwz langh rengz hung haeujcoengh hwngfat yw saujsu minzczuz, Ywcuengh hwngfat miz le duenh ndeindet gaxgonq caengz miz gvaq.

(Cangh Gvangjenz)